

四庫全書

集部

欽定四庫全書

集部

御定全唐詩卷二百

四十九
五十

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣陳墉

謄錄監生臣曹淦階

欽定四庫全書

御定全唐詩卷二百四十九

皇甫冉

皇甫冉字茂政潤州丹陽人晉高士謚之後十歲能屬
文張九齡深器之天寶十五載舉進士第一授無錫尉
歷左金吾兵曹王縉為河南帥表掌書記大厯初累遷
右補闕奉使江表卒於家冉詩天機獨得遠出情外集
三卷今編詩二卷

潤州南郭留別

一作郎士元詩

縈迴楓葉岸留滯木蘭橈吳岫新經雨江天正落潮故

人勞見愛行客自無聊君

一作若

問前程事孤雲入剡遙

祭張公洞二首

一本作排律一首

堯心知稼穡精意遶山川風雨神祇

一作斯

應筮鏞詔命

傳沐蘭祗掃地酌桂佇靈仙拂霧陳金策焚香拜玉筵

雲開小有洞日出大羅天三鳥隨王母雙童翊子先何

時種桃核幾度看桑田倏忽煙霞散空巖騎吏旋

臨平道贈同升人

遠山誰辨江

一作山

南北長路空

一作長

隨樹淺深流蕩飄

颿此何極唯應行客共知心

巫山峽

一作高

巫峽見巴東迢迢出半空雲藏神女館雨到楚王宮朝暮泉聲落寒暄樹色同清猿不可聽偏在九秋中

長安路

一作韓翃詩

長安九城路戚里五侯家結束趨平樂聯翩抵狹斜高

樓臨遠

一作積

水複道出繁花唯見有

一作

相如宅蓬門度

歲華

送朱逸人

時人多不見出入五湖間
寄酒全吾道移家愛遠山
更看秋草暮欲共白雲還
雖在風塵裏陶潛身自閒

西陵寄靈一上人

一本題下有朱放二字

西陵遇風

一作潮

處自古是通津
終日空江上雲山若待

人汀洲寒事早魚鳥興情新
迴望山陰路心中

一作中心一作

吾心有所親

赴無錫寄別靈一淨虛二上人

一本有還字

雲門所

居

一作劉長卿詩
一作郎士元詩

高僧本姓竺開士舊名林一入春山裏千峰不可尋
新年芳草徧終日白雲深欲徇微官去懸知訝此心

舟中送李八

得迴字

詞客金門未有媒遊吳適越任舟迴遠水迢迢分手去
天邊山色待人來

與張補闕王鍊師自徐方清路同舟南下於臺
頭寺留別趙員外裴補闕同賦雜題一首

朝朝春事晚泛泛行舟遠
淮海思無窮悠揚煙景中
幸將仙子去復與故人同
高枕隨流水輕帆任遠風
鐘聲野寺迴草色故城空
送別高臺上裴回共惆悵
懸知白日斜定是猶相望

酬張二仲彛

吳洲見芳草楚客動歸心
屈宋鄉山古荆衡煙雨深
艱

難十載別羈旅四愁侵澧月通沅水湘雲入桂林已看
生白髮當為乏黃金江海時相見唯聞梁甫吟

三月三日義興李明府後亭泛舟

一作劉長卿詩

江南煙景復如何聞道新亭更可過處處蓺蘭春浦綠
萋萋藉草遠山多壺觴湏就陶彭澤時一作風俗猶傳晉
永和更使輕橈徐轉去微風落日水增波

少室山韋鍊師昇仙歌

紅霞紫氣晝

一作甚

氤氲絳節青幢

一作童

迎少君忽從林

下昇天去空使時人禮白雲

獨孤中丞筵陪餞韋使君赴昇州

中司龍節貴上客虎符新地控吳襟帶才高漢縉紳泛
舟應度臘入境便行春處處歌來暮長江建業人

送王緒剡中

一作送王公
還剡中別業

不見關山去何時到剡中已聞成竹一作樹木更道長兒

童籬落雲常聚村墟

一作塘

水自通朝朝憶玄度非

一作嘗

是對清風

訓李郎中侍御秋夜登福州城樓見寄

辛勤萬里道蕭索九秋殘月照閩中夜天凝海上寒王
程無地遠主意在人安遙寄登樓作空知行路難

同李司直諸公暑夜南餘一作徐館

何處多明月津亭暑夜深煙霞不可望雲樹更沈沈好
是吳中隱仍為洛下吟微官朝復夕牽強亦何心

贈普門上人一作題普門上人房一作劉長卿詩

支公身欲已一作老長在沃州多慧力堪傳教禪功久伏

魔山雲隨坐夏江草伴頭陀借問迴一作明心後賢愚去幾何

與諸公同登無錫北樓一作郎士元詩

秋興因危堞歸心過遠山風霜征雁早江海旅人閒一作

還驛樹寒仍密漁舟晚自還一作閑仲宣何所賦祇歎在

荆蠻一作滯柴關

同李蘇州傷美人

玉珮石榴裙當年嫁使君專房猶一作獨見寵傾國衆皆

聞歌舞常

一作長

無對幽明忽此分陽臺千萬里何處作

朝

一作雲

送李錄事

一作裴員外

赴饒州

北人南去雪紛紛雁呌汀沙

一作洲

不可聞積水長天隨

遠客

一作色

荒城

一作荒林又作孤舟

極浦足寒雲山從建業千峰

出

一作起又作斷

江至

一作自又作到

潯陽九派分借問督郵纔弱冠

府中年少不如君

同諸公有懷絕句

舊國迷江樹他鄉近海門移家南度久童稚解方言

題魏仲光淮山所居

人羣不相見乃在白雲間問我將何適羨君今獨閒朝

朝汲淮水暮暮上龜山幸已安貧定當一作從鬢髮斑

送鄭判官赴徐州

一作郎士元詩

從軍非隴頭師在古徐州氣勁三河卒功多萬里侯元
戎閩外令才子幄中籌莫聽關山曲還生出塞愁

送顧長

一作中史又作長史往新安一作劉長卿詩

由來山水客復道向新安半是乘潮便全非行路難晨

裝林月在野飯

一作飲

浦

一作渚

沙寒嚴子千年後何

一作誰

人釣舊灘

秋夜有懷高三十五兼呈空和尚

一作劉長卿詩

晚節聞君趨道深結茅栽樹近東林大師幾度曾摩頂
高士何年遂發心北渚三更聞過雁西城萬里動寒砧
不見支公與玄度相思擁膝坐長吟

途中送權三兄弟

一本無題上二字一作送權驛

淮海風濤起江關憂思長同悲鵲遶樹獨作雁隨陽山
晚雲初雪汀寒月照霜由來濯纓處漁父愛滄浪

送裴闢

得歸字

道向毗陵豈是歸客中誰與換春衣今夜孤舟行近遠

子

一作柴

荆零雨正霏霏

雜言湖山歌送許鳴謙

并序

夫子隱者也耕於湖山之田孤雲無心飛鳥無跡

伯仲邕友

一作邕

家人怡怡貞白之風旁行於澆俗

矣始惠然而去又翻然而歸春田雪餘具物繁殖
結我幽夢湖間一峯酒而歌歌之以送遠

湖中之山兮波上青桂颺颺兮雨冥冥君歸兮春早滿
山兮碧草晨春暮汲兮心何求澗戶巖扉兮身自老東
嶺西峰兮同白雲雞鳴犬吠兮時相聞幽芳媚景兮當
嘉月踐石捫蘿兮恣超忽空山寂寂兮潁陽人旦夕孤
雲隨一身

雜言迎神詞二首

并序

吳楚之俗與巴渝同風日見歌舞祀者問其故答
曰及夏不雨慮將無年復云家有行人不歸憑是
景福夫此二者皆我所懷寄地種苗將成枯草弟
為臺官羈旅京師秉筆為迎神送神詞以應其聲
亦寄所懷也

迎神

啟庭戶列芳鮮目眇眇心綿綿因風託雨降瓊筵紛下
拜屢加籩人心望歲祈豐年

送神

露霑衣月隱壁氣淒淒人寂寂風迴雨度虛瑤席來無聲去無跡神心降和福遠客

屏風上各賦一物得携琴客

不是向空林應當就磐石白雲知隱處芳草迷行跡如何祇役心見爾攜琴客

江草歌送盧判官

江皋兮春早江上兮芳草雜蘼蕪兮杜蘅一作叢秀

今欲一作復羅生被一作彼遙隰兮經長衍一作坂雨中深兮

煙中淺目眇眇兮增愁步遲遲兮堪塞澧之浦兮湘之

濱思夫君兮送美人吳洲曲兮楚鄉路遠孤城兮依獨

戍新月能分裛露時夕陽照見連天處問君行邁將何

之淹泊沿洄風日遲處處汀洲有芳草王孫誰肯念歸

期

題畫帳二首

山水

桂水饒楓杉荆南足煙雨猶疑黛色中復是雒陽岵

遠帆

朝見巴江

一作山

客暮見巴江

一作山

客雲帆儻暫停

一作駐

中路陽臺夕

落第後東遊留別

功

一作學

成方自得何事學干求果以浮名誤深貽達士

羞九江連漲海萬里任虛舟歲晚同懷客相思波上鷗

雜言月洲歌送趙列還襄陽

漢之廣矣中有洲洲如月兮水環流流聒聒今湍與瀨

草青青兮春更

一作復

秋苦竹林香楓樹樵子畝師幾家

住萬山飛雨一川來巴客歸船傍洲去歸人不可遲芳

杜滿洲時無限風煙皆自悲莫辭貧賤阻

一作隔

心期家

住洲頭定近遠朝泛輕橈暮當返不能隨爾臥芳洲自

念天機一何淺

寄劉八山中

東臯若近遠苦雨隔還期閏歲風霜晚山田收穫遲茅

簷燕去後樵路菊黃時平子遊都久知君坐見嗤

答張諲劉方平兼呈賀蘭廣

野性難馴狎荒郊自閉門心閒同海鳥日夕戀山村屢

枉瓊瑤贈如今

一作令

道術存遠峯時振策春雨耐香源

復有故人在寧聞盧

一作簷

鵲喧青青草色綠終是待王

孫

澧水送鄭豐鄆縣讀書

麥秋中夏涼風起送君西郊及澧水孤煙遠樹動離心

隔岸江流若千里早年江海謝浮名此路雲山愜爾情
上古全經皆在口秦人如見濟南生

九日寄鄭豐

重陽秋已晚千里信仍稀何處登高望知君正憶歸還
當採時菊定未授寒衣欲識離居恨郊園

一作正
一作畫

掩扉

酬包評事壁畫山水見寄

一官知所傲本意在雲泉濡翰生新興羣峰忽眼前黛

中分遠近筆下起風煙巖翠深樵路湖光出釣船寒侵
赤城頂日照武陵川若覽名山誌仍聞招隱篇遂令江
海客惆悵憶閒田

渡汝水向太和山

落日事蹇陟一作蹇涉西南投一峯誠知秋水淺但怯無人

蹤

秋怨

長信多秋氣一作草昭陽借一作惜月華那堪閉永巷聞道

選良家

贈鄭山人

白首滄洲客陶然得此生
龐公採藥去萊氏與妻行乍
見還州里全非隱姓名枉帆
臨海嶠貫酒秣陵城伐木
吳山曉持竿越水清
家人恣一作貧賤物外任衰榮忽

爾辭林壑高歌至上京
避喧心已慣念遠夢頻成
石路寒花發江田臘雪明
玄纁倘有命何以遂躬耕

劉方平西齋對雪

對酒閒齋晚開軒臘雪時花飄疑節候色淨潤簾帷委
樹寒枝弱縈空去雁遲自然堪訪戴無復四愁詩

福先寺尋湛然寺主不見

寂然空佇立往往報疎鐘高館誰留客東南二室峰川
原通霽色田野變春容惆悵層城暮猶言歸路逢

河南鄭少尹城南亭送鄭判官還河東

使臣懷餞席亞尹有前溪客是仙舟裏途從御苑西泉
聲喧暗竹草色引長堤故絳青山在新田綠樹齊天秋

聞別鵠

一作鵠

關曉待鳴雞應歎沈冥者年年津路迷

登玄元廟

古廟川原迴重門禁籞連海童紛翠蓋羽客事瓊筵御
路分疎柳離宮出苑田興新無向背望久辨山川物外
將遺老區中誓絕緣函關若遠近紫氣獨依然

冬夜集賦得寒漏

清冬洛陽客寒漏建章臺出禁因風徹縈窗共月來偏
將殘瀨雜乍與遠鴻哀遙夜重城警流年滴水催閒齋

堪坐聽況有故人杯

玄元觀送李源

一作深

李風

一作風

還奉先華陰

此去那知道路遙寒原紫府上迢迢莫辭別酒和

一作傾又

作注瓊液乍唱離歌和鳳簫遠水東流浮落景繚垣西轉

失行鏹華山秦塞長相憶無使音塵頓寂寥

劉方平壁畫山

墨妙無前性生筆先迴溪已失遠嶂猶連側徑樵客長
林野煙青峰之外何處雲天

登山歌

青山前青山後登高望兩處兩處今何有煙景滿川原
離人堪白首

和鄭少尹祭中岳寺北訪蕭居士越上方

肅事祠靈境尋真到隱居黃緣幽谷遠蕭散白雲餘晚
節持僧律他年著道書海邊曾狎鳥濠上正觀魚寂靜
求無相淳和覩太初一峰綿歲月萬性任盈虛籬隔溪

一作門
掩林

鐘度窗

一作空

臨澗木疎謝公懷舊壑迴駕復何

如

秋夜寄所思

寂寞坐遙夜清風何處來
天高散騎省月冷建章臺
鄰笛哀聲急城砧朔氣催
芙蓉已委絕誰復可為媒

賦得郢路悲猿

一本題下有
送客二字

悲猿何處發郢路第三聲
遠客知秋暮空山益夜清
啾啾深衆木嚶嚶入孤城
坐覺盈心耳脩然適楚情

雜言無錫惠山寺流泉歌

寺有泉兮泉在山
鏘金鳴玉兮長潺潺
作潭鏡兮澄寺內
泛巖花兮到人間
土膏脉動知春草
隈隩陰深長苔草
處處縈迴石澄喧
朝朝盪漱山僧老
僧自老松自新流
活活無冬春
任疏鑿兮與汲引
若有意兮山中人
偏依佛界通仙境
明滅玲瓏媚林嶺
宛如太室臨九潭
詎減天台望三井
我來結綬未經秋
已厭微官憶舊遊
且復遲迴猶未去
此心祇為靈泉留

清明日青龍寺上方賦得多字

上方偏可適季月况堪過遠近水聲至東西山色多夕
陽留徑草新葉變庭柯已度清明節春秋如客何

與張諲宿劉八城東莊

人間當歲暮田野尚逢迎萊子多嘉一作慶陶公得此

生寒蕪連古渡雲樹近嚴城雞黍無辭薄貧交但貴情

寄劉方平

坐憶山中人窮棲事南畝煙霞相親外墟落今何有潘
郎作賦年陶令辭官後達生遺一作貴自適良願固無負

田取潁水流樹入陽城口歲暮憂思盈離居不堪久

曾東遊以詩寄之

出郭離言多迴車始知遠寂然層城暮更念前山轉總

一作縱

轡越成臯浮舟背梁苑朝朝勞延首往往若在眼

落日孤雲還邊愁迷楚關如何淑

一作椒

花發復對遊子

顏古寺杉栝

一作松

裏連檣洲渚間煙生海西岸雲見吳

南山驚風掃蘆荻翻浪連天白正是揚帆時偏逢江上

客由來許

一作論

佳句况乃愜所適差我天姥峰翠色春

更碧氣淒湖上雨月淨剡中夕釣艇或相逢江蘿又堪
摘迢迢始寧墅蕪沒謝公宅朱槿列推一作推列墉蒼苔徧
幽石顧予任疎懶期爾振羽翮滄洲未可行須售金門
策

適荊州途次南陽贈何明府

十里獨遊日有懷誰與同言過細陽令一遇朗陵公清
節邁多士斯文傳古風閭閻知俗變原野識年豐吾道
方在此前程殊未窮江天經峴北客思滿巴東夢渚夕

愁遠山

一作巴

丘晴望通應嗟出處異流蕩楚雲中

秋夜戲題劉方平壁

鴻悲月白時將謝正可招尋惜遙夜翠帳蘭房曲且深
寧知戶外清霜下

問正上人疾

醫王猶有疾妙理競難通餌藥應隨病觀身轉悟空
閒花欲雨窗冷竹生風幾日東林去門人待遠公

山中五詠

門柳

接影武昌城分行漢南道何事閒

一作閒

門外空對青山

老

遠山

少室盡西峯鳴皋隱南面柴門縱

一作啟

復關

一作閒

終一作

今

日窗中見

南澗

上路

一作客

各乘軒高明

一作明

盡鳴玉寧知澗下人自愛

輕波淥

春早

草徧潁陽山
花開武陵水
春色既已同
人心亦相似

山館

山館長寂寂
閒雲朝夕來
空庭復何有
落日照青苔

送竇十九叔向赴

一作京入

冰結陽柳津
從吳去入秦
徒云還上國
誰為作中人
驛樹同霜霰
漁舟伴苦辛
相如求一謁
詞賦遠隨身

登石城戍望海寄諸暨嚴少府

平明登古戍，徙倚待寒潮。
江海方回合，雲林自寂寥。
詎能知遠近，徒見蕩煙霄。
即此滄洲路，嗟君久折腰。

和同 一作 樊潤州秋日登城樓

露冕臨平楚，寒城帶早霜。
時同借河內，人是臥淮陽。
積水澄天塹，連山入帝鄉。
因高欲見下，非是愛秋光。

寄江東李判官

遠懷不可道，歷稔離憂落。
下聞新雁，江南想暮秋。
澄

清佐八使綱紀案諸侯地識吳平久才當晉用求時賢
幾殂謝摘藻繼風流更有西陵作還成北固遊歸途一作
程限尺牘王事在扁舟山色臨湖盡猿聲入夢愁

送蔣評事往福州

江上春常早閩中客去稀登山怨迢遞臨水惜芳菲煙
樹何時盡風帆幾日歸還看復命處盛府有光輝

送從弟豫貶遠州

一作劉長卿詩題
作送從弟貶袁州

何事成遷客思歸不見鄉遊吳經萬里弔屈過三湘水

與荆巫接山通鄢郢長名嗟黃綬繫才

一作身

是白眉良

獨結南枝恨應思北雁行憂來沽楚酒玄鬢莫凝霜

送錢唐路少府赴制舉

公車待詔赴

一作詣

長安客裏新正阻舊歡遲日未能銷

野雪晴花偏自犯江寒東溟道路通秦塞北關威儀識

一作擁又作觀

漢官共

一作時

許都說

一作生

工射

一作能對

策恩榮請

向一枝看

賦得荆溪夜湍送蔣逸人歸義興山

驚湍流不極，夜度識雲岑。
長帶溪沙淺，時因山雨深。
方同七里路，更遂五湖心。
揭厲朝將夕，潺湲古至今。
花源君若一作若可許，雖遠亦相尋。

送孔黨赴舉

入貢列諸生，詩書業早成。
家承孔聖後，身有魯儒名。
楚水通滎浦，春山擁漢京。
愛君方弱冠，冠為賦少年行。

齊郎中筵賦得的的帆向浦留別

一帆何處去，正在望中微。
浦迴搖空色，汀迴見落暉。
每

爭高鳥度能送遠人歸偏似南浮客悠揚無所依

送陸鴻漸栖霞寺採茶

採茶非採葦遠遠上層崖布葉春風暖盈筐白日斜
舊知山寺路時宿野人家借問王孫草何時泛椀花

泊丹陽與諸人同舟至馬林溪遇雨

雲林不可望溪水更悠悠共載人皆客離家春是秋
遠山方對枕細雨莫迴舟來往南徐路多為芳草留

太常魏博士遠出賊庭江外相逢因叙其事

烽火驚戎塞豺狼犯帝畿川原無稼穡日月翳光輝里
社粉榆毀宮城騎吏非羣生被慘毒雜虜耀輕肥多士
從芳餌唯君識禍機心同合浦葉命寄首陽薇耻作纖
鱗煦方隨高鳥飛山經商嶺出水泛漢池歸離別霜凝
鬢逢迎淚迸衣京華長路絕江海故人稀秉節身常苦
求仁志不違祗應窮野外耕種且相依

送包佶賦得天津橋

第二句缺

洛陽歲暮作征客

相望依然一水間

相思已如千年隔
晴煙霽景滿天津
鳳閣龍樓暎水濱
豈無朝夕軒車度
其奈相逢非所親
鞏樹甘陵愁遠道
他鄉一望人堪老
君報還期在早春
橋邊日日看芳草

上禮部楊侍郎

郢匠掄材日
轅輪必盡呈
敢言當一幹
徒欲隸諸生
末學慙鄒魯
深仁錄弟兄
餘波知可挹
弱植更求榮
績媿他年敗
功期此日成
方因舊桃李
猶冀一作異載飛鳴
道

淺猶懷分時移
但自驚關門驚暮節
林壑廢春耕
十里

嵩峰近千秋，潁水清煙花。
迷戍谷墟落，接陽城渺然。
思鄉夢遲迴，知己情勞歌。
終此曲，還是苦辛行。

宿嚴維宅送包七

一作劉長卿詩
題下作送包佶

江湖同避地，分手自依依。
盡室今為客，經秋空念歸。
歲儲無別墅，寒服羨鄰機。
草色村橋晚，蟬聲江樹稀。
夜涼宜共醉，時難惜相違。
何事隨陽侶，汀洲忽背飛。

同張侍御詠興寧寺經藏院海石榴花

嫩葉生初茂，殘花少更鮮。
結根龍藏側，故欲並

一作競
又作抗

青蓮

崔十四宅各賦一物得簷柳

官渡老風烟潯陽媚雲日漢將營前見胡笳曲中出復
在此簷端垂陰伸長室

送段明府

遙夜此何其霜空殘杳靄方嗟異鄉別暫是同公人一作

會海林秋更疎野水寒猶大離人轉吳岫旅雁從燕塞
日夕望前期勞心白雲外

送王司直

一作劉長卿詩

西塞雲山遠東風

一作南

道路長人心勝潮水相送過潯

陽

婕妤春怨

一本無春字

花枝出建章鳳管發昭陽借問承恩者雙蛾幾許長

送魏十六還蘇州

秋夜深深北

一作沈沈此

送君陰蟲切切不堪聞歸

一作孤

舟

明日

一作月

毗陵道迴首姑蘓是白雲

婕妤怨

由來詠團扇今已值秋風事逐時

一作又

皆往忍無日再

中早鴻聞上苑寒露下深宮顏色年年謝相如賦豈工

送客

旗鼓軍威重關山客路賒待封甘度隴回首不思家城

下一作

春山

一作風

路

一作晚

營中瀚海沙河源雖萬里音

信寄來查

秋日東郊

一作林作

閒看秋水心無事臥

一作坐

對寒松手自我廬岳高僧留

偈別茅山道士寄書來燕知社日辭巢去菊為重陽冒

雨開淺薄將何稱獻納臨歧終日自

一作獨遲一作衰迴

秋夜宿嚴維宅

昔聞玄度宅門向會稽峯君住東湖下清風繼舊踪秋
深臨水月夜半隔山鐘世故多離別良宵詎可逢

見諸姬學玉臺體

豔唱召燕姬清弦待盧女由來道姓秦誰不知家楚傳

盃見目成結帶明心許寧辭玉輦迎自堪金屋貯朝朝

一作去作行雲襄王迷處所

酬張二倉曹揚子所居見寄兼呈韓郎中

孤雲獨鶴自悠悠別後經年尚泊舟漁父置詞相借問

郎官能賦許依投折芳遠寄三春草乘興閒一作來看萬

里流莫怪杜門頻乞假不堪扶病拜龍樓

送安律師

出家童子歲愛此雪山人長路經千里孤雲伴一身水

中應見月草上豈傷春永日空林下心將何物親

題盧十一所居

一作盧十

春風來幾日先入辟疆園身外無餘事閒吟晝閉門

送陸澧

一作遂

郭郎

纔見吳洲百草春已聞燕雁一聲新秋風何處催年急
偏逐山行水宿人

山中

一作半

橫雲

一作畫帳

湘水風日滿楚山朝夕空連峰雖已見猶念長雲中

題裴二十一新園

一作題裴園新
園又作裴周

東郭訪先生西郊尋隱

一作舊

路久為江南客自有雲陽

樹已得間

一作丘

園心不知公府步開

一作閉

門白日晚倚

杖青山暮果熟任霜封籬疎從水度窮年無

一作常

牽綴

往事惜淪悞唯見耦

一作獨

耕人朝朝自來去

寄高雲

南徐風日好悵望毘陵道毘陵有故人一見恨無因獨
戀青山久唯令白髮新每嫌持手板時見著頭巾煙景

臨寒食農桑接仲春家貧仍嗜酒生事今何有芳草遍
江南勞心憶攜手

御定全唐詩卷二百四十九

欽定四庫全書

御定全唐詩卷二百五十

皇甫冉

溫泉一作湯即事

天仗星辰轉霜冬景氣和樹含溫液潤山入繚垣多承
相金錢賜平陽玉輦過魯儒求一謁無路獨如何一作接輿

來自楚朝
夕值行歌

送張南史

效何記
室體

馬卿工詞賦位下年將暮謝客愛雲山家貧身不閒風
波杳未極幾處逢相識富貴人皆變誰能念貧賤岸有
經霜草林有故年枝俱應待春色獨使客心悲

廬山歌送至弘法師兼呈薛江州

釋子去兮訪名山禪舟容與兮住仍前猿啾啾兮怨月
江渺渺兮多煙東林西林兮入何處上方下方兮通石
路連湘接楚饒桂花事久年深無杏樹使君愛人兼愛
山時引雙旌萬木間政成人野皆不擾遂令法侶性安

閒

送薛秀才

雖是尋山客還同慢世人讀書惟務靜無褐不憂貧野

色春冬樹雞聲遠近鄰郝公即吾友合

一作益

與爾相親

使往

一作至

壽州淮路寄劉長卿

一作判官

榛草荒涼村落空驅馳卒歲亦何功蒹葭曙色蒼蒼遠

蟋蟀秋聲處處同鄉路遙知淮浦外故人多在楚雲東

日夕煙霜

一作波

那可道壽陽西去水無窮

酬李司兵直夜見寄

江城聞鼓角，旅宿復何如。
寒月此宵半，春風舊歲餘。
徒云資薄祿，未必勝閒居。
見欲扁舟去，誰能畏簡書。

送薛判官之越

時難自多務，職小亦求賢。
道路無辭遠，雲山併在前。
樟亭待潮處，已是越人烟。

同溫丹

一作司

徒登萬歲樓

一作劉長卿詩

高樓獨立

一作上

思依依極浦，遙山合

一作涵

翠微江客不

堪頻北顧

一作望

塞鴻何事復

一作獨又作又

南飛丹陽古渡寒

煙積小步空洲遠樹稀聞道王師猶轉戰誰能談笑解

重圍

賦得簷燕

拂水競何忙簷如有意翻風去每遠帶雨歸偏駛令

君裁杏梁更欲年年去

送李萬州赴饒州觀省

得西字

前程觀

一作歡

拜慶舊館

一作異縣

惜招攜荀氏風流遠胡家

清白齊川迴吳岫失塞濶楚雲低舉目親一作觀魚鳥驚

心怯鼓鼙人稀漁浦外灘淺定山西無限青青草王孫

去不迷

送鄒判官赴河南

一作劉長卿詩

看君發原隰四牡去皇皇始罷滄江吏還隨粉署郎海
沂軍未息河畔歲仍荒征稅人全少榛蕪虜近亡所行
知宋遠相隔歎淮長早晚裁書寄銀鈎佇八行

宿淮陰南樓酬常伯能

淮陰日落上南樓
喬木荒城古渡頭
浦外野風初入戶
窗中海月早知秋
滄波一望通一作知
千里畫角三聲起
百憂佇立分宵絕
一作獨立宵分遠
來客煩君步履一作履又作屣
忽相求

送歸中丞使新羅

詔使殊方遠
朝儀舊典行
浮天無盡處
望日計前程
暫喜孤山出
長愁積水平
野風飄疊鼓
海雨濕危旌
異俗知文教
通儒有令名
還將大戴禮
方外授諸生

小江懷靈一上人

江上年年春早津頭日日人行借問山陰遠近猶聞薄
暮鍾聲

送唐別駕赴郢州

莫歎辭家遠方看佐郡榮長林通楚塞高嶺見秦城雪
向曉關下人從郢路迎翩翩駿馬去自是少年行

送魏中丞還河北

寧知貴公子本是魯諸生上國風塵舊中司印綬榮辛

勤戎旅事雪下護羌營

送李使君赴邵州

出送東方騎行安南楚人城池春足雨風俗夜迎神郢
路逢歸客湘川問去津爭看使君度皂蓋雪中新

寄振上人無碍寺所居

戀親時見在人羣多在東山一作南就白雲獨坐焚香誦
經處深山古寺雪紛紛

酬李補闕

十年歸客但心傷三徑無人已自荒夕宿靈臺伴煙月
晨趨建禮逐衣裳偶因麋鹿隨豐草謬荷鴛鴦惜末行
縱有諫書猶未獻春風拂地日空長

故齊王贈承天皇帝挽歌

禮盛追崇

一作宗

日人知友悌恩舊居從代邸新隴入文

園鴻寶仙書祕龍旂帝服尊蒼蒼松裏月萬古此高原

贈恭順皇后挽歌

祖謝年方久哀榮事獨稀雖殊百兩迕同是九泉歸詔

使歸金策神人送玉衣空山竟不從寧肯學湘妃

病中對石竹花

散點空堦下閒凝細雨中那能久相伴嗟爾帶秋風

寄鄭二侍御歸新鄭無礙寺所居

何事休官早歸來作鄭人雲山隨伴侶伏臘見鄉親南
畝無三徑東林寄一身誰當便靜者莫使甌生塵

送廬

一作廬

山人歸林慮山

無論行遠近歸向舊煙林寥落人家少青冥鳥道深白

雲長滿目芳草自知心山色連東海相思何處尋

送榮別駕赴華州

直到羣

一作三

峯下應無累日程高車入郡舍流水出關

城草色田家迴槐陰府吏迎還將海沂詠籍甚漢公卿

一本缺此五字

送常大夫加散騎常侍赴朔方

故壘煙塵

一作霞

後新軍河塞間金貂寵漢將玉節度蕭

關澶漫沙中雪依稀漢口山人知寶車騎計日勒銘還

送王翁信還剡中舊居

海岸耕殘雪溪沙釣夕陽客

一作家

中何所有春草漸看

長

酬張繼

并序

懿孫余之舊好祇役武昌枉

一本無此字

六言詩見懷

今

一作余

以七言裁答蓋拙於事者繁而費也

悵望南徐登北固迢遙西塞恨

一作限又作望

東關落日臨川

問音信寒潮唯帶夕陽還

送柳八員外赴江西

歧路窮

一作多

無極長江九派分行人隨旅雁楚樹入湘

雲久在征南役何殊薊北勲離心不可問歲暮雪紛紛

賦長道一絕送陸遂潛夫

并序一本
無題上五字

頃者江淮征鎮屢有掄材之舉子不列焉有司之
過子方耕山釣湖避人如逃寇徒欲羅高鴻捕深
魚窮年竭日其可得也今齒髮向暮執勞無力衆
雖嗷嗷開口待哺如有知者子其行乎無為自苦

一絕賦長道

二字一作之

高山迴欲登遠水深難渡杳杳復漫漫行人別家去

又得雲字

一作張繼詩題作留別

何事十年遇聖君坐令雙鬢老如

一作江

雲南行更入深

山淺

一作山深淺

岐路悠悠水自分

送陸潛夫往茅山賦得華陽洞

一本題上有重字

游仙洞兮訪真官真瑤席兮禮石壇忽髣髴兮雲擾杳

陰深兮夏寒欲迴頭兮揮手便辭家兮可否有婚嫁

一作

姻

今嬰纏綿

一作侍

歸來今已久

又送陸潛夫茅山尋友

登山自補屐訪友不齋糧坐嘯

一作歇

青楓

一作松

晚行吟

白日長人煙隔水見草氣入林香誰作招尋侶清齋宿
紫陽

賦得越山三韻

一本題上有又送陸潛夫五字

西陵猶隔水北岸已春山獨鳥連天去孤雲伴客還祇
應結茅宇出入石林間

送盧郎中使君赴京

三年期上國萬里自東溟曲蓋遵長道油幢憩短亭楚
雲山隱隱淮雨草青青康樂多新興題詩紀所經

楊氏林亭探得古槎

千年古貌多八月秋濤晚偶被主人留那知來近遠

送鄭二之茅山

水流絕澗終日草長深山暮春犬吠雞鳴幾處條桑種
杏何人

和王給事

一本有維字

禁省梨花詠

巧解逢

一作迎

人笑

還一作偏

能亂蝶飛春時風

一作風時

入戶

幾片落朝衣

送鄭員外入茅山居

但且

一作見

全家去寧知幾日還白雲迎谷口流水出人

間冠冕情

一作人

遺世神仙事滿山其中應有物豈貴一

身閒

送志彌師往淮南

已能持律藏復去禮禪亭長老偏摩頂時流尚誦經獨
行寒野曠旅宿遠山青春屬空相望鴻飛已杳冥

謝韋大夫柳栽

本在胡笳曲今從漢將營濃陰方待庇弱植豈無情比
雪花應吐藏烏葉未成五株蒙遠賜應使號先生

問李二司直所居雲山

門外水流

一作流水

何處天邊樹遶誰家山色東西多少朝

朝幾度雲遮

劉侍御朝命許停官歸侍

孟孫唯問孝萊子復辭官幸遂溫清願其甘稼穡難採
芝供上藥拾槿奉晨餐棟裏雲藏雨山中暑帶寒非時
應有筍閒地盡生蘭賜告承優詔

一作老

長筵永日歡

送陸鴻漸赴越

并序

君自數百里訪予羈病牽力迎門握手心喜宜涉
旬日始至焉究孔釋之名理窮歌詩之麗則遠墅
孤島通舟必行魚梁釣磯隨意而往餘興未盡告

去遐征夫越地稱山水之鄉
轅門當節鉞之重進
可以自薦求試退可以閒居
保和吾子所行蓋不
在此尚書郎鮑侯知子愛子
者將推食解衣以拯
其極講德遊藝以凌其深
豈徒嘗鏡水之魚宿耶
溪之月而已吾是以無間
勸其晨裝同賦送遠客
一絕

行隨新樹深夢隔重江

一作山

遠迢遞風日間蒼茫洲渚

晚

送竇叔向

楚客怨逢秋，閒吟興非一。
棄官守貧病，作賦推文律。
熊徑未經一作沾霜，茅簷初負日。
今看泛月去，偶見乘潮出。

卜地會為隣，還依仲長室。

題蔣道士房

軒窗縹緲起烟霞，誦訣存思白日斜。
聞道崑崙有仙籍，何時青鳥送丹砂。

夜集張諲所居

得飄字

江南成久客門館日蕭條惟有圖書在多傷鬢髮凋諸
生陪講誦稚子給漁樵虛室寒燈靜空堦落葉飄滄洲
自有趣誰道隱須招

酬權器

南望江南滿山雪此情惆悵將誰說徒隨羣吏不曾閒
顧與諸生為久別聞君靜坐轉耽書種樹葺茅還一作遠

舊居終日白雲應自足明年芳草又何如人生有懷若

苦一作不展出入公門猶未免迴舟朝夕一作早晚待春風先

報華陽洞深淺

寄劉方平大谷田家

故山聞獨往樵路憶相從
氷結泉聲絕霜清野翠濃
籬邊潁陽道竹外少姨峯
日夕田家務寒煙隔幾重

送雲陽少府

得歸字

渭曲春光無遠近池陽谷口傍
芳菲官舍村橋來幾日
殘花寥落待君歸

魯一作曾

山送別

一作劉長卿詩

淒淒遊子若飄蓬
明月清樽祇暫同
南望千山如黛色
愁君客路在其中

題高雲客舍

孤興日自深
浮雲非所仰
窗中西城一作峻樹外東川

廣晏起簪葛巾
閒吟倚藜杖
阮公道在醉
莊子生常養
五柳轉扶疎
千峰恣來往
清秋香杭獲
白露寒菜長
吳國滯風煙
平陵延夢想
時人趨纓弁
高鳥違羅網
世事徒亂紛
吾心方浩蕩
唯將山與水
處處諧真賞

臺頭寺願上人院古松下有小松裁毫末新生
與纖草不辨重其有凌雲干霄之志與趙八員
外裴十補闕同賦之

細草亦全高秋毫乍堪比及至干霄日何人復居此

漁子溝寄趙員外裴補闕

一本題上有淮口二字

欲逐淮潮上暫停漁子溝相望知不見終是屢迴頭

送崔使君赴壽州

一作劉長卿詩

列郡專城分國憂彤幃皂蓋古諸侯仲華遇主年猶少

公瑾論兵位已酬
草色青青宜建隼
蟬聲處處雜鳴騶
千里相思如可見
淮南木落早驚秋

送謝十二

一作判官

四牡驅馳千里餘
越山稠疊海林疎
不辭終日離家遠
應為劉公一紙書

送處州裴使君赴京

使君朝北闕
車騎發東方
別喜天書召
寧憂地脉長
山行朝復夕
水宿露為霜
秋草連秦塞
孤帆落漢陽
新銜

趨建禮舊位識文昌唯有東歸客應隨南雁翔

送田濟之揚州赴選

家貧不自給求祿為荒年調補無高位卑棲屈此賢
江山欲霜雪吳楚接風煙相去誠非遠離心亦渺然

送袁郎中破賊北歸

第七句缺

優詔親賢時獨稀中途紫紱

一作綬

換征衣黃香省闥登

朝去楊僕樓船振旅歸萬里長聞隨戰角十年不得掩

一作偃郊扉

缺

但將詞賦奉恩輝

同李萬晚望南岳寺懷普門上人

釋子身心無垢紛

一作氣

獨將衣鉢去人羣相思晚望松

林寺唯有鐘聲出白雲

奉和獨孤中丞遊法華寺

謝君臨郡府越國舊山川訪道三十界當仁五百年巖
空騶馭響樹密旆旌連閣影凌空壁松聲助亂泉開門
得初地伏檻接諸天向背春光滿樓臺古制

一作製

全羣

峰爭彩翠百谷會風煙香象隨僧久祥鳥報客先清心

乘暇日稽首慕良緣法證無生偈詩成大雅篇蒼生望
已久迴駕獨依然

之京留別劉方平

客子慕儔侶含悽整晨裝邀歡日不足況乃前期長離
袂惜嘉月遠還一作懷勞折芳遲迴越二陵迴首但蒼茫

一作蒼喬木清宿雨故關愁夕陽人言長安樂其奈緬相

望

出塞

吹角出塞門，前瞻即胡地。
三軍盡迴首，皆洒望鄉淚。
轉念關山長，行看風景異。
由來征戍客，負得一作各負輕生義。

赴李

一作李

少府莊失路

君家南郭白雲連，正待情人

一作天晴

弄石泉，月照煙花迷。

客路蒼蒼何處是，伊川

雨雪

風沙悲久戍，雨雪更勞師。
絕漠無人境，將軍苦戰時。
山川迷向背，氛霧失旌旗。
徒念天涯隔一作事，中人一作年芳

草期

館陶李丞舊居

盛名天下挹餘芳
棄置終身不拜郎
詞藻世傳平子賦
園林人比鄭公鄉
門前墜葉浮秋水
籬外寒臯帶夕陽
日日青松成古木
祇應來者為心傷

送劉兵曹還隴山居

離堂徒讌語
行子但悲辛
雖是還家路
終為隴上人
先秋雪已滿
近夏草初新
唯有聞羌笛
梅花曲裏春

同李三月夜作

霜風驚度雁月露皓

一作皎

疎林處處砧聲發星河秋夜

深

同裴少府安居寺對雨

共結尋真會還當退食初
爐煙雲氣合林葉雨聲餘
潺暑銷珍簟浮涼入綺疏
歸心從念遠懷此復何如

送元晟

一作盛

歸潛山所居

一作送王山人歸別業

深山秋事

一作意

早君

一作歸

去復

一作意

何如裛露收新稼

迎寒葺舊廬題詩即招隱作賦是

一作足

閒居別後空

一作

應

相憶嵇康懶寄書

送康判官往新安賦得江路西南永

一作劉長卿詩

不向新安去那知江路長猿聲比

一作近

廬霍水色勝瀟

湘驛樹

一作路

收殘雨漁家帶夕陽何須愁旅泊使者有

輝光

宿洞靈觀

孤煙靈洞遠積雪滿

一作暮

山寒松柏凌高殿莓苔封古

一作
石 壇客來清夜久仙去白雲殘明日開金籙焚香更

一作
又 沐蘭

酬盧十一過宿

乞還方未遂日夕望雲林况復逢

經

一作
春草何勞

一作
妨

問此心閉

一作
間

門公務散枉策故情深遙

一作
靜

夜他鄉

酒同君梁甫吟

酬裴十四

得晏
字

淮海各聯翩三年方一見素心終不易玄髮何須變舊

國想平陵春山滿陽羨隣雞莫遽唱共惜良夜晏

彭祖井

一本題上有奉和王相公五字

上公旌節在徐方舊井莓苔近寢堂訪古因知彭祖宅
得仙何必葛洪鄉清虛不共春池竟一作競盥漱偏宜夏

日長聞道延年如玉液欲將調鼎獻明光

奉和對雪

一本作奉和王相公喜雪

春雪偏當夜暄風却變寒庭深不復掃城曉更宜看命

酒閒令

一作今又作全

酌披蓑

一作蓑

晚未冠連營鼓角動忽似

戰桑乾

送蕭獻士

一本題下有
往鄴中三字

惆悵煙郊晚依然此送君長河隔旅夢浮客伴孤

一作間

雲淇上春山直黎陽大道分西陵倘一弔應有士衡文

賣藥人處得南陽朱山人書

賣藥何為者逃名市井居唯通遠山信因致逸人書已

報還丹効全將世事疎秋風景溪

一作溪景

裏蕭蕭散寄樵漁

初出沅江夜入湖

放溜出江口迴瞻松栝深不知舟中月更引湖間心

送裴負外往

一作赴

江南

分務江南遠留歡幙下榮楓林縈

一作錄

楚塞

一作澤

水驛

到湓城岸草知春晚沙禽好夜驚風帆幾泊處

一作日到一作

渡處處暮潮清

一作平

奉和王相公早春登徐州城

落日憑危堞春風似故鄉川流通楚塞山色遶徐方壁

壘依寒草旌旗動夕陽元戎資上策南畝起

一作富

耕桑

奉和對山僧

一作同杜相公對山僧

吏散重門掩僧來閉閣閒遠心馳北闕春興寄東山草

長風光裏鶯喧

一作啼

靜然間芳辰不可住惆悵暮禽還

奉和待勤照上人不至

東洛居賢相南方待本師旌麾儼欲動杯

一作杖

錫杳仍

遲積雪迷何處驚風泊幾時大臣能護法況有故山期

奉和漢祖廟下之作

古廟風煙積春城車騎過方修漢祖祀更使沛童歌寢

帳巢禽出香煙水霧和神心降福處應在故鄉多

和朝郎中揚子翫雪寄山陰嚴維

凝陰晦長箔積雪滿通川征客寒猶去愁人晝更眠謝
家興詠日漢將出師年聞有招尋興隨君訪戴船

閒居作

多病辭官罷閒居作賦成圖書唯藥錄飲食止藜藿學
謝淹中術詩無鄴下名不堪趨建禮詎是厭承明已輟
金門步方從石路行遠山期道士高柳覓先生性懶尤

因疾家貧自省

一作少

營種苗雖尚短穀價幸全輕篇詠

投康樂壺觴就步兵何人肯相訪開戶一逢迎

歸渡洛水

暝色赴春愁歸人南渡頭渚煙空翠合灘月碎光流漣
浦饒芳草滄浪有釣舟誰知放歌客此意正悠悠

送鄭二貲外

置酒竟長宵送君登遠道羈心看旅雁晚泊依秋草秋
草尚芊芊離憂亦渺然元戎辟才彥行子犯風煙風煙

積惆悵淮海殊飄蕩明日是重陽登高遠相望

酬崔侍御期籍道士不至兼寄

一心求妙道幾歲候真師丹竈今何在

一作處

白雲無定

期崑崙煙景絕汗漫往還遲君但焚香待人間到有時

送裴陟歸常州

夜雨須停棹秋風暗入衣見君嘗北望何事却南歸

贈別

一作贈寄
權三客舍

南橋春日暮楊柳帶青

一作清

渠不得同攜手空成

一作城

意有餘

和袁郎中破賊後經剡中山水

武庫分帷幄儒衣事鼓鼙兵連越徼外寇盡海門西節

比全疎勒功當雪會稽旌旗迴剡嶺士馬濯

一作躍耶一作

靈溪受律梅初發班師草未齊行看佩金

一作侯

印豈得

訪丹梯

徐州送丘侍御之越

時鳥催春色離人惜歲華遠山隨擁傳芳草引還家北

固潮當濶西陵路稍斜縱令寒食過猶有鏡中花

閒居

一作王維詩

桃紅復含宿雨柳綠更帶春煙花落家童未掃鶯啼山客猶眠

送延

一作江陵

陳法師赴上元

延陵初罷講建業去隨緣翻譯推多學壇場寂少年浣

衣逢

一作隨

野水乞食向人煙遍禮南朝寺

一作峰頂

焚香古

像前

賦得海邊樹

歷歷緣荒岸
冥冥入遠天
每同沙草發
長共水雲連
搖落潮風早
離披海雨偏
故傷遊子意
多在客舟前

題昭上人房

沃洲傳教後
百衲老空林
慮盡朝昏磬
禪隨坐卧心
鶴飛湖草迴
門閉野雲深

一作願

與天台接中峯
早晚尋

送李使君赴撫州

遠送臨川守
還同康樂侯
歲時徒改易
今古接風流
五

馬嘶長道雙旌向本州鄉心寄西北應上郡城樓

同樊潤州遊郡東山

北固多陳迹東山復盛遊
鏡聲發大道草色引行騶
此地何時有長江自古流
頻隨公府步南客寄徐州

酬楊侍御寺中見招

貧居依柳市閒步在蓮宮
高閣宜春雨長廊好嘯風
誠如雙樹下豈比一丘中

重陽日酬李觀

不見白衣來送酒但令

一作憐

黃菊自開花愁看日晚良

辰過步步行尋陶令家

寄權器

露濕青蕪時欲晚水流黃葉意無窮
節近重陽念歸否眼前籬菊帶秋風

酬李判官度梨嶺見寄

隴首怨西征嶺南雁

一作應

北顧行人與流水共向閩中

去

送魏六侍御葬

哭葬寒郊外行將何所從
盛曹徒列柏新墓已栽松
海

月同千古江雲覆

一作復

幾重舊書曾諫獵遺草議登封

疇昔輕三事嘗期老一峯
門臨商嶺道窗引洛城鐘
應積泉中恨無因世上逢
招尋偏見厚疎慢亦相容
張范唯通夢求羊永絕蹤
誰知長卿疾歌賦不還叩

送張道士歸茅山謁李尊師

向山獨有一人行
近洞應逢雙鶴迎
嘗以素書傳弟子

還因白石號先生無窮杏樹行時

一作何年

種幾許芝田向

一作帶

月耕師事少君年歲久欲隨旄節往層城

訓裴補闕吳寺見尋

一作訓裴補闕中天寺見寄

東林初結構

一作社

已有晚鐘聲窻戶背流水房廊半架

城遠山重疊見芳草淺深生每與君攜手多煩長老迎

送王相公之

一作赴

幽州

自昔蕭曹任難兼衛霍功勤勞無遠近旌節屢西東不

選三河卒還令萬里通雁行緣古塞馬鬣起長風

一作御問

分善馬武
庫出形弓
遮虜關山靜防秋鼓角雄徒思一攀送羸老

一作
病
葦門中

題竹扇贈別

湘竹殊堪製齊紈且未工
幸親芳袖日猶帶舊林風
掩笑歌筵裏傳書卧閣中
竟將為別贈寧與合歡同

歸陽羨兼送劉八長卿

湖上孤帆別江南謫宦歸
前程愁更遠臨水淚沾衣
雲夢春山徧瀟湘過客稀
武陵招我隱歲晚閉一作柴扉

東郊迎春

曉見蒼龍駕東郊春已迎綵雲天仗合玄象太階平佳
氣山川秀和風政令行句陳霜騎肅御道雨師清律向
韶陽變人隨草木榮遙觀一作歡上林樹一作苑今日遇遷
鶯

招隱寺送闍

一作聞

判官還江州

離別那逢秋氣悲東林更作上方期共知客路浮雲外
暫愛僧房墜葉時長江九派人歸少寒嶺十重雁度遲

借問潯陽在何處每看潮落一相思

送李山人還

一本題下有山字

從來無檢束只欲老煙霞雞犬聲相應深山有幾家

韋中丞西廳海榴

海花

一作榴又作流

爭讓候榴花犯雪先開內史家末客朝朝

鈴閣下從公步履玩年華

洪澤館壁見故禮部尚書題詩

底事洪澤壁空留黃絹詞年年淮水上行客不勝悲

望南山雪懷山寺普上人

夜夜夢蓮宮無由見遠公朝來出門望知在雪山中

送夔州班使君

晚日照樓邊三軍拜峽前白雲隨浪散青壁與山連萬
嶺岷峨雪千家橘柚川還如赴河內天上去經年

尋戴處士

車馬長安道誰知大隱心蠻僧留古鏡蜀客寄新琴晒
藥竹齋暖擣茶松院深思君一相訪殘雪似山陰

早發中嚴寺別契上人

蒼蒼松桂陰殘月半西岑素壁寒燈暗紅爐夜火深
厨開山鼠散鐘盡嶺猿吟行役方如此逢師懶話心

華清宮

驪岫接新豐岵堯駕翠空鑿山開祕殿隱霧閉仙宮
絳闕猶棲鳳雕梁尚帶虹溫泉曾浴日華館舊迎風
肅穆瞻雲輦沈深閉綺櫳東郊倚望處瑞氣靄濛濛

送孔巢父赴河南軍

一作劉長卿詩

江城相送阻煙波，況復新秋一雁過。
聞道全師征北虜，更言諸將會南河。
邊心杳杳鄉人絕，塞草青青戰馬多。
共許陳琳工奏記，知君名宦未蹉跎。

李二侍御丹陽東去新亭

姑蘇東望海陵間，幾度裁書信未還。
長在府中持白簡，豈知天畔有青山。
人歸極浦寒流廣，雁下平蕪秋野閒。
舊日新亭更攜手，他鄉風景亦相關。

夜發沅江寄李潁川劉侍郎

時二公
貶于此

半夜回舟入楚鄉月明山水共蒼蒼孤猿更發秋風裏
不是愁人亦斷腸

浪淘沙二首

一作皇甫松詩

蠻歌苴蔻北人愁松雨蒲風野艇秋浪起鷓鴣眠不得
寒沙細細入江流

瀨頭細草接疎林惡浪冒船半欲沈宿鷺眠洲非舊浦
去年沙觜是江心

春思

一作劉長卿詩

鶯啼燕語報新年馬邑龍堆路幾千家住秦城鄰漢苑
心隨明月到胡天機中錦字論長恨樓上花枝笑獨眠
為問元戎寶車騎何時反旆勒燕然

逢莊納因贈

世故還相見天涯共向東春歸江海上人老別離中
吏名何晚沙鷗道自同甘泉湏早獻且莫歎飄蓬

送韋山人歸鍾山所居

一作郎士元詩

逸人歸路遠弟子出山迎服藥顏雖駐耽書癖已

一作未

成柴扉度歲月藜杖見公卿更作一作儒林傳還應有

閱

姓名

送普門上人

一作皇甫曾詩題
下有還陽義三字

花宮難

一作
雖

久別道者憶千燈殘雪入林路深

一作
暮

山

歸寺僧日光依依草泉響滴春冰何用求方便看心是
一乘

怨回紇歌二首

白首南朝女愁聽異域歌收兵頡利國飲馬胡蘆河

布腥膻久穹廬歲月多雕巢城上宿吹笛淚滂沱

祖席駐征櫂開帆信候潮隔煙桃葉泣吹管杏花飄船
去鷗飛閣人歸塵上橋別離惆悵淚江路濕紅蕉

句

微官同侍蒼龍闕直諫偏推白馬生

寄李補闕
出詩式



御定全唐詩卷二百五十

欽定四庫全書

集部

御定全唐詩卷二百五十一至五

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官典簿臣劉景岳

謄錄監生臣徐敦

欽定四庫全書

御定全唐詩卷二百五十一

劉方平

劉方平河南人邢襄公政會之後與元德秀善不仕詩

一卷

代宛轉歌二首

星參差明

一本無明字

月二八燈五枝黃鶴瑤琴將別去芙

蓉羽帳惜空垂歌宛轉宛轉恨無窮願為潮

一作波

與浪

俱起碧流中

曉將近黃姑織女銀河盡

一作隱

九華錦衾無復情千金

寶鏡誰能引歌宛轉宛轉傷別離願作楊與柳同向玉窗垂

烏栖曲二首

蛾眉曼臉傾城國鳴環動佩新相識銀漢斜臨白玉堂
芙蓉行障掩燈光

畫舸雙艚錦為纜芙蓉花發蓮葉暗門前月色映橫塘

感郎中夜度瀟湘

巫山高

楚國巫山秀清猿日夜啼萬重春樹合十二碧峰齊峽
出朝雲下江來暮雨西陽臺歸路直不畏向家迷

巫山神女

神女藏難識巫山秀莫羣今宵為大雨昨日作孤雲散
漫愁巴峽徘徊戀楚君先王為立廟春樹幾氛氲

梅花落

新歲芳梅樹繁花

一作苞

四面同春風吹漸落一夜幾枝

空少

一作小

婦今如此長城恨不窮莫將遼海雪來比後

庭中

銅雀妓

遺令奉君王
嘯蛾強一妝
歲移陵樹色
恩在舞衣香
玉座生秋氣
銅臺下夕陽
淚痕霑井幹
舞袖為誰長

秋夜思

一作淮上秋夜

旅夢何時盡
征途望每賒
晚秋淮上水
新月楚人家
援

嘯空山近鴻飛極浦斜明朝南岸去言

一作定

折桂枝花

秋夜泛舟

林塘夜發舟蟲響荻颼颼萬影皆因月千聲各為秋歲
華空復晚鄉思不堪愁西北浮雲外伊川何處流

折楊枝

官

一作空

渡初楊柳風來亦動搖武昌行路好應為最長

條葉映黃鸝夕花繁白雪朝年年攀折意流恨入纖腰

班婕妤

一作婕妤怨

夕殿別君王宮深

一作深宮

月似霜人幽

一作愁

在長信螢出

向昭陽露浥紅蘭濕

一作死

秋凋碧樹傷惟當合歡扇從

此篋中藏

新春

南陌春風早東隣曙色斜
一花開楚國雙燕入盧家
眠罷梳雲髻妝成上錦車
誰知如昔日更浣越溪紗

寄嚴八判官

洛陽新月動秋砧
瀚海沙場天半陰
出塞能全仲叔策

安親更切老萊心
漢家宮裏風雲曉
羌笛聲中雨雪深
懷袖未傳三歲字
相思空作隴頭吟

秋夜寄皇甫冉鄭豐

洛陽清夜白雲歸
城裏長河列宿稀
秋後見飛千里鴈
月中聞擣萬家衣
長憐西雍青門道
久別東吳黃鵠磯
借問客書何所寄
用一作中心不啻兩鄉違

寄隴右嚴判官

副相西征重

一作日

蒼生屬望晨還同
周薄伐不取漢和

親虜陣摧枯易王師決勝頻高旗臨鼓角太白靜風塵
赤狄爭歸化青羌已請臣遙傳閩外美盛選幕中賓玉
劒光初發冰壺色自真忠貞期報主章服豈榮身邊草
含風綠征鴻過月新胡笳長出塞隴水半歸秦絕漠多
來往連年厭苦辛路經西漢雪家擲後園春誰念煙雲
裏深居汝潁濱一叢黃菊地九日白衣人松葉疎開嶺
桃花密映津縑書若有寄為訪許由鄰

擬娼樓節怨

上苑離離鶯度昆明
幕幕蒲生時光春華
可惜何須對鏡含情

採蓮曲

落日晴江裏
荆歌豔楚腰
採蓮從小慣
十五即乘潮

長信宮

夢裏君王近
宮中河漢高
秋風能再熱
團扇不辭勞

京兆眉

新作蛾眉樣
誰將月裏同

一作自

來凡幾日
相效滿城

中

春雪

飛雪帶春風，裴回亂繞空。
君看似花處，偏在洛陽東。

望夫石

佳人成古石，蘚駁覆花黃。
猶有春山杏枝枝，似薄妝。

送別

華亭霽色滿今朝，雲裏檣竿去轉遙。
莫怪山前深復淺，

清淮一日兩迴潮。

夜月

更深月色半人家
北斗闌干南斗斜
今夜偏知春氣暖
蟲聲新透綠窗紗

春怨

紗窗日落漸黃昏
金屋無人見淚痕
寂寞空庭春欲暮
一作
晚梨花滿地不開門

代春怨

朝日殘鶯伴妾啼
開簾只見草萋萋
庭前時有東風入

楊柳千條盡向西

御定全唐詩卷二百五十一